

## ШАРТНОМА № 22-10/3

(Лот рақами 22120012156179 бўлган танлов натижасига асосан қурилиш назорат ўлчови хизмати кўрсатиш бўйича)

Тошкент шаҳар

2022 йил «14» октябрь

**“Бинолардан фойдаланиш ва капитал қурилиш дирекцияси” давлат муассасаси** (кейинги ўринларда “Буюртмачи”), номидан 2022 йил 7 февралдаги №01-03/52-сонли Ишончнома асосида ҳаракат қилувчи Молия ишлари бўйича директор ўринбосари Б.З. Рустамов бир тарафдан ва **“NEW CONTROL GROUP” МЧЖ** (кейинги ўринларда “Ижрочи”), номидан Низом асосида Директори А.Н. Алибаев иккинчи томондан қуйидагилар тўғрисида ушбу шартномани туздилар:

### 1. Шартнома предмети

1.1. Ушбу Шартнома Ўзбекистон Республикаси Вазирлар Маҳкамасининг 2021 йил 20 майдаги 321 сон қарорининг 4 иловаси “Қурилиш объектларида назорат ўлчовини ўтказиш тартиби тўғрисида”ги Низом талабига асосан тузилди.

1.2. etender.uzex.uz электрон платформаси орқали “Энг яхши таклифларни танлаб олиш бўйича” ўтказилган танлов натижасига кўра Ижрочи Буюртмачининг топшириғига асосан ушбу шартноманинг 1.3-бандида кўрсатилган хизматларни кўрсатиш, Буюртмачи эса кўрсатилган хизматлар учун тўловларни амалга ошириш мажбуриятини олади.

1.3. Кўрсатиладиган хизмат номи: Ал-Хоразмий номидаги Тошкент ахборот технологиялари университетининг иккита 9 қаватлик ўқув биноси бўйича бажарилган қурилиш-монтаж ишларининг назорат ўлчовини амалга ошириш.

1.4. Ижрочи ушбу шартнома бўйича бажарилган қурилиш-монтаж ишларининг назорат ўлчов ишларини (хизматлар кўрсатишни) қурилиш соҳасига оид амалдаги меъёрий-ҳуқуқий ҳужжатлар, шу жумладан Ўзбекистон Республикаси Давлат архитектура ва қурилиш қўмитасининг меъёрий ҳужжатлари ҳамда Ўзбекистон Республикаси Вазирлар Маҳкамасининг 2021 йил 20 майдаги 321-сон қарорининг 4-илоvasи “Қурилиш объектларида назорат ўлчовини ўтказиш тартиби тўғрисида”ги Низомига асосланган ҳолда амалга оширади.

1.5. Хизмат кўрсатиш муддати: Буюртмачи томонидан ушбу шартноманинг 3.2-бандида кўрсатилган миқдорда олдиндан тўлов амалга оширилган ҳамда мазкур шартноманинг 2-илоvasида келтирилган Рўйхатга асосан ҳужжатларни тақдим этган вақтдан бошлаб 20 (йигирма) иш кунни этиб белгиланади. Ижрочи ушбу шартномада кўрсатилган хизматларни муддатидан олдин кўрсатиш ҳуқуқига эга.

### 2. Томонларнинг ҳуқуқ ва мажбуриятлари

2.1. Ижрочининг мажбуриятлари:

2.1.1. Хизмат кўрсатишни лозим ва юқори профессионал даражада амалга оширади, назорат ўлчовини ўтказиш натижалари, далолатномаси ҳамда хулосаларига тўлиқ жавобгар бўлади.

2.1.2. Ушбу шартноманинг 1.5-бандида кўрсатилган муддатда ва тўлиқ ҳажмда хизмат кўрсатишни амалга ошириш лозим.

2.1.3. Хизмат кўрсатиш жараёнида хизмат кўрсатиш сифатига салбий таъсир кўрсатадиган даражада Ижрочи шартнома шартларидан четлашган бўлса Буюртмачининг талабига асосан 5 кун давомида аниқланган барча нуқсонларни бартараф этиш.

2.1.4. Хизматларни шахсан амалга ошириш, Буюртмачининг ёзма розилигисиз бошқа юридик шахсларни жалб этмаслик.

2.1.5. Назорат ўлчовлари натижалари бўйича Буюртмачига назорат ўлчовларига оид материалларни ҳамда топшириш-қабул қилиш далолатномасини ҳамда ҳисоб-фактурани ёзма равишда топшириш.

2.2. Ижрочининг ҳуқуқлари:

- 2.2.1. Буюртмачи томонидан ушбу шартноманинг 3.2-бандида кўрсатилган олдиндан тўлов амалга оширилгандан сўнг мазкур шартноманинг 2-иловасидаги Рўйхатга асосан ҳужжатларнинг ўз вақтида тақдим этилишини инобатга олиб хизмат кўрсатишни бошлаш.
- 2.2.2. Буюртмачидан белгиланган тартибда назорат ўлчовини ўтказиш учун мазкур шартноманинг 2-иловасидаги Рўйхатга асосан зарур бўладиган тўлиқ ва аниқ ҳужжатларни талаб қилиш.
- 2.2.3. Ўз ишини мустақил ташкил этиш, назорат ўлчовини ўтказиш усулларини ҳамда мутахассислар таркибини танлаш.
- 2.2.4. Хизмат кўрсатиш жараёнида юзага келадиган саволлар бўйича Буюртмачининг жавобгар шахсларидан тушунтиришлар олиш.
- 2.3. Буюртмачининг мажбуриятлари:
- 2.3.1. Ушбу Шартноманинг 3-бўлимида кўрсатиб ўтилган тартибда хизматлар учун тўловларни амалга ошириш.
- 2.3.2. Ижрочининг талабига асосан мазкур шартноманинг 2-иловасидаги Рўйхат бўйича ҳужжатларни тўлиқ ҳажмда ҳамда назорат ўлчовларини ўтказиш учун керакли бўлган муддатда тақдим этиш.
- 2.3.3. Ўз ходимлари ва пудратчилар вакилларининг иштирокини таъминлаш.
- 2.3.4. Ижрочидан Топшириш-қабул қилиш далолатномасини олган кундан эътиборан 5 кун давомида кўрсатилган хизматлар натижаларини қабул қилиб олиш.
- 2.4. Буюртмачининг ҳуқуқлари:
- 2.4.1. Ижрочи томонидан амалга оширилаётган назорат ўлчовининг амалга оширилиши ва сифатини унинг фаолиятига аралашмаган ҳолда исталган пайтда текшириш.
- 2.4.2. Ижрочидан назорат ўлчови материалларини, ушбу Шартноманинг бажарилиши ва ижроси натижалари бўйича маълумотларни талаб қилиш ва олиш.
- 2.4.3. Объектда бажарилган қурилиш-монтаж ишларининг назорат ўлчови амалга оширилиш жараёнида қатнашиш.

### **3. Шартнома баҳоси ва ҳисоб-китоблар тартиби**

- 3.1. Шартноманинг умумий баҳоси 120 000 000,00 (бир юз йигирма миллион) сўмни ташкил этади.
- 3.2. Томонлар ушбу Шартномани имзолаган кундан бошлаб 5 банк иш куни давомида Буюртмачи шартнома умумий баҳосидан 15% миқдорда 18 000 000,00 (ўн саккиз миллион) сўм аванс (бўнак) тўловини Ижрочининг ҳисоб рақамига тўлаб беради.

### **4. Хизматлар (ишлар)ни топшириш ва қабул қилиш тартиби**

- 4.1. Хизматлар кўрсатилгандан (назорат ўлчови бўйича ишлар бажарилгандан) сўнг Ижрочи Буюртмачига кўрсатилган хизматлар (бажарилган ишлар)ни топшириш-қабул қилиш далолатномасини тақдим этади.
- Буюртмачи Ижрочидан олган санадан бошлаб 5 кун давомида кўрсатилган хизматлар натижаларини қабул қилиш ва топшириш-қабул қилиш далолатномасини имзолаш мажбуриятини олади.
- 4.2. Ижрочи хизмат кўрсатиш жараёнида хизмат кўрсатишни давом эттириш имконияти йўқлиги ёки хизмат кўрсатишнинг мақсадга мувофиқ эмаслигини аниқлаган тақдирда бу ҳақда Буюртмачига хабар бериши ва зарурий чораларни кўриши лозим.
- 4.3. Буюртмачи ёки унинг ваколатли вакили томонидан кўрсатилган хизматларни топшириш-қабул қилиш далолатномаси имзолангандан сўнг хизматлар кўрсатилган ҳисобланади.
- 4.4. Ижрочи томонидан назорат ўлчовига тегишли барча ҳужжатлар ва хизматлар тўлиқ расмийлаштирилиб, топшириш-қабул қилиш далолатномаси ва ҳисоб-фактура тақдим этилганидан сўнг, Буюртмачи якуний ҳисоб-китобни 85% миқдордаги тўловни 5 (беш) календар кун муддатида амалга оширади.

## 5. Махфийлик

- 5.1. Томонлар ушбу шартноманинг мавжудлиги ва мазмуни, шунингдек ушбу шартнома доирасида томонларнинг ҳар бирига тақдим этилган ҳар қандай маълумотларни сир сақлаш мажбуриятини олади.
- 5.2. Томонлар ушбу шартноманинг томонларидан бирининг олдиндан берилган ёзма розилигисиз учинчи томонга факт ва маълумотларни умуман ёки қисман очмаслик ва ошкор этмаслик мажбуриятини олади.
- 5.3. Ушбу шарт бошқа шахслар томонидан олинishi мумкин бўлган маълумотларга тегишли эмас, Ўзбекистон Республикаси қонунлари кўзда тутилган айрим ҳолатлар бундан мустасно.

## 6. Форс-мажор ҳолатлар

- 6.1. Ушбу шартнома имзоланганидан сўнг фавқулодда ҳолатлар (ёнгин, сув тошқини, zilзила, табиий офат ва шу каби) содир бўлиши оқибатида ушбу Шартнома бўйича мажбуриятларнинг тўлиқ ёки қисман бажарилмаслигига мажбуриятларни тўлиқ ёки қисман бажара олмаган томон содир бўлишини олдиндан кўра билиш ёки уларни олдини олиш имконияти йўқлиги туфайли (енгиб бўлмас ҳолатлар) жавобгар бўлмайди.
- 6.2. Форс-мажор ҳолатлар юзага келиши билан ушбу ҳолатлар ва уларнинг оқибатлари ҳаракатда бўлган даврга мос равишда мажбуриятларни бажариш муддати узайтирилади.
- 6.3. Томонлар форс-мажор ҳолатлар бошланиши ва тугаши тўғрисида бир-бирларини зудлик билан ёзма равишда хабардор қилишлари лозим.
- 6.4. Форс-мажор содир бўлганлигини рўқач қиладиган томон тегишли давлат идорасидан ушбу ҳолатни тасдиқловчи ҳужжатни тақдим этишга мажбурдир.
- 6.5. Ушбу Шартномани ижро этишнинг имкони бўлмаган тақдирда олдиндан тўлов миқдоридан Ижрочининг ҳақиқатда қилган харажатлари миқдорига камайтирилгандан қолган қисми қайтариб берилади.

## 7. Томонларнинг жавобгарлиги

- 7.1. Ушбу Шартноманинг 1.5-бандида кўрсатилган хизматларни кўрсатиш муддатлари бузилган тақдирда Ижрочи мажбуриятларнинг бажарилмаган қисмининг 0,2 фоизи миқдоридан ҳар бир муддати ўтган кун учун пеня тўлайди, лекин бунда тўланадиган пенянинг умумий миқдори мажбуриятларнинг бажарилмаган қисмининг 20 фоиз миқдоридан кўп бўлмаслиги лозим.
- 7.2. Кўрсатилган хизматлар учун тўловлар ўз вақтида амалга оширилмаган тақдирда Буюртмачи Ижрочига муддати кечиктирилган тўлов миқдорининг 0,2 фоизи миқдоридан ҳар бир кечиктирилган кун учун пеня тўлайди, лекин бунда пенянинг умумий миқдори муддати кечиктирилган тўлов миқдорининг 20 фоизидан кўп бўлмаслиги лозим.
- 7.3. Жарималарнинг тўлови томонларни шартнома шартларини бажаришдан озод этмайди.
- 7.4. Ушбу шартномада кўрсатилмаган томонларнинг жавобгарлиги бўйича чоралар Ўзбекистон Республикаси Фуқаролик кодекси ҳамда Ўзбекистон Республикасининг “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонунига асосан қўлланилади.

## 8. Шартноманинг амал қилиш муддати ва унинг бекор қилиниши тартиби

- 8.1. Ушбу шартнома томонлар имзолаган кундан бошлаб кучга киради ва 2022 йил «31» декабр гача амал қилади.
- 8.2. Буюртмачи қуйидаги ҳолларда шартномани бекор қилишни талаб қилиш ҳуқуқига эга:
- Буюртмачига боғлиқ бўлмаган сабабларга кўра Ижрочи томонидан хизмат кўрсатишни бошлаш 15 кунга кечиктирилганда;
  - Шартномада кўрсатилган муддатга нисбатан хизмат кўрсатишни тугатиш муддатининг Ижрочининг айби билан бир ойдан ортиқ муддатга узайтирилганда.

8.3. Ушбу шартномани бекор қилиш ташаббуси билан чиққан томон иккинчи томонни 2 кун давомида ёзма равишда хабардор қилиши шарт.

### 9. Низоларни ҳал этиш тартиби

9.1. Ушбу Шартномани бажарилиши жараёнида юзага келиши мумкин бўлган низо ва тушунмовчиликлар имкон қадар томонлар ўртасида музокара йўли билан ҳал этилади.

9.2. Низо ва тушунмовчиликлар музокара йўли билан ҳал этилмаган тақдирда томонлар низоларни бартараф этишнинг судгача бўлган барча чораларни кўргандан сўнг низолар Тошкент туманлараро Иқтисодий судида ҳал этилади.

### 10. Яқуний қоидалар

10.1. Ушбу шартномага киритиладиган ҳар қандай ўзгартириш ва қўшимчалар улар ёзма равишда тузилган ва томонларнинг ваколатли шахслари томонидан имзоланган тақдирдагина ҳақиқий ҳисобланади. Ушбу Шартномага барча иловалар шартноманинг ажралмас қисми бўлиб ҳисобланади.

10.2. Коррупцияга қарши қўшимча шартлар мазкур шартноманинг 1-илоvasи билан белгиланади.

10.3. Томонлар ушбу шартнома бўйича кўзда тутилмаган барча ҳолатлар бўйича Ўзбекистон Республикасининг амалдаги қонунчилигига асосан ҳаракат қиладилар.

10.4. Ушбу Шартнома икки нусхада тузилган. Иккала нусха ҳам айнан ўхшаш ва бир хил юридик кучга эга. Томонларнинг ҳар бирида ушбу Шартноманинг бир нусхаси мавжуд.

### 11. Томонларнинг манзиллари ва банк реквизитлари

#### “Буюртмачи”

“Бинолардан фойдаланиш ва капитал қурилиш дирекцияси” давлат муассасаси

**Манзил:** Тошкент шаҳри, Шайхонтоҳур т,  
Лабзак кўчаси 70 уй.

**Банк реквизитлари:**  
ОПЕРУ АК «АЛОҚАБАНК»  
Х/р: 2021 0000 9052 6363 1003  
МФО: 00401  
СТИР: 207 323 774  
ОКЕД: 41202

#### «Ижрочи»

“NEW CONTROL GROUP” МЧЖ

**Манзил:** Тошкент шаҳар, Шайхонтоҳур тумани, Алишер Навоий кўчаси, 44А-уй, 242-хона

**Банк реквизитлари:**  
Х/р: 2020 8000 1051 8113 0001 АТ Халк банки Шайхонтоҳур филиали  
МФО: 00821  
СТИР: 307142181  
Телефон: 91-252-18-68

Директор ўринбосари

Б.З. Русгамов



Директор

А.Н. Алибаев



Handwritten signatures and marks at the bottom of the page.

### Коррупцияга қарши қўшимча шартлар

1. Томонлар шартнома тузишда, шартноманинг амал қилиш муддатида ва ушбу муддат тугаганидан сўнг, шартнома билан боғлиқ коррупциявий ҳаракатларни содир қилмасликка келишиб оладилар.

2. Томонлар шартномадаги коррупцияга қарши қўшимча шартларда белгиланган коррупциянинг олдини олиш чораларини тан олади ва уларга риоя этилиши бўйича ҳамкорликни таъминлайдилар.

3. Ҳар бир тараф шартнома тузилган пайтда бевосита узи ёки унинг ижроия органлари, мансабдор шахслари ва ходимлари томонидан шартнома билан боғлиқ муносабалар юзасидан қонунга хилоф равишда пул, моддий қийматликлар берилмаганлигини, шартнома тузилиши эвазига норасмий пул ёки бошқа моддий қийматликлар олинишига йўл қўйилмаганлигини, таклиф этилмаганлигини, уларни беришга ваъда қилинмаганлигини, шунингдек моддий ёки ҳар қандай турдаги имтиёз, устунликлар олинмаганлигини (келажакда бу турдаги ҳаракатларни амалга ошириши мумкинлиги ҳақида таассурот қолдирилмаганлигини) кафолатлайди.

Томонлар, улар томонидан шартнома доирасида жалб қилинган шахсларнинг (ёрдамчи пудратчи ташкилотлар, агентлар ва Томонлар назорати остидаги бошқа шахсларнинг) юқоридаги ҳаракатларни содир этмаслиги юзасидан оқилона чоралар кўради.

4. Томонлар давлат хизматчилари, сиёсий партиялар, шунингдек ўзиинг ижроия органлари, мансабдор шахслари ва ходимлари томонидан ҳар қандай вақт ва шаклда қуйидаги ҳаракатларни бевосита ёки билвосита (шу жумладан, учинчи шахслар орқали) содир этилишига йўл қўймайди:

а) назорат қилувчи органлардан лицензия ва рухсатномалар олиш, солиқ солиш, божхона расмийлаштирувини амалга ошириш, судда иш кўрилиши, қонунчилик жараёни ва бошқа соҳаларда қонунга хилоф равишда тижорат ёки бошқа тусдаги устунликка эга булиш ёки сақлаб қолиш мақсадида юқоридаги шахслар фойдасига ёки улар томонидан моддий ёки номоддий наф олишнинг таклиф этилиши, ваъда қилиниши, берилишига;

б) қонунга хилоф равишда олинган даромадларнинг легаллаштирилишига, шунингдек, агар мулк жиноий фаолиятдан олинган даромад эканлиги Томонларга маълум бўлса, уни ўтказиш, мулкка айлантириш ёхуд алмаштириш йўли билан унинг келиб чиқишига қонуний тус бериш, бундай пул маблағлари ёки бошқа мол-мулкнинг асл хусусиятини, манбаини, турган жойини, тасарруф этиш, кўчириш усулини, пул маблағларига ёки бошқа мол-мулкка бўлган ҳақиқий эгалик ҳуқуқларини ёки унинг кимга қарашлилигини яширишга;

в) коррупцияга оид ҳуқуқбузарлик содир қилиш учуй таъмағирлик қилиш, ундаш, тазйиқ ўтказиш ёки таҳдид қилиш. Ушбу ҳолат бўйича бир тараф иккинчи тарафни ҳамда ваколатли давлат органларини дарҳол хабардор қилиши шарт.

5. Томонлар товарлар, хизмат ва ишларни реализация қилиш ва ўтказишда, битимлар тузиш бўйича музокаралар олиб боришда, лицензия, рухсатномалар ва бошқа рухсат этиш хусусиятига эга бўлган ҳужжатларни олишда ёки уларнинг манфаатларини кўзлаб бошқа ҳаракатларни амалга оширувчи Томонларнинг назорати остида бўлган ва улар номидан ҳаракат қиладиган шахсларга (шу жумладан, ёрдамчи пудратчилар, агентлар, савдо вакиллари, дистрибьютерлар, ҳуқуқшунослар, ҳисобчилар, улар номидан ҳаракат қилувчи бошқа вакилларга) нисбатан қуйидаги ҳаракатларни амалга ошириши шарт:

- коррупциявий ҳаракатларга йўл қўйиб бўлмаслиги ва коррупциявий ҳаракатларга писбатан мурасасиз муносабатда бўлиши шартлиги ҳақида кўрсатмалар ва тушунтиришлар бериш;

- улардан коррупциявий ҳаракатларни амалга ошириш учун воситачи сифатида фойдаланмаслик;

- уларни фақат тарафнинг оддий кундалик фаолияти жараёнидаги ишлаб чиқариш зарурати доирасидан келиб чиқиб ишга жалб қилиш;

- уларга қонунчилик доирасида амалга оширган хизматлари учун белгилаиан ҳақ миқдоридан асосиз равишда ортиқча тўловларни амалга оширмаслик.

6. Томонлар уларнинг назорати остида бўлган ва улар номидан ҳаракат киладиган шахслар томонидан коррупцияга қарши қўшимча шартларда белгиланган мажбуриятлар бузилганлиги ҳолатлари ҳақида хабар берилганлиги учун уларга тазйиқ ўтказилмаслигини кафолатлайдилар.

Агар бир тарафга бошқа тарафнинг коррупцияга қарши қўшимча шартларнинг 4 ва 5-бандларида белгиланган мажбуриятларни бузилишига йўл қўйганлиги маълум бўлиб қолса, иккинчи тарафни бу ҳақда зудлик билан хабардор қилиши ва ушбу тарафдан оқилона муддат ичида тегишли чоралар кўрилишини ва амалга оширилган ишлар юзасидан унга хабардор қилишини талаб қилиши шарт.

Тарафнинг талаби бўйича иккинчи тараф томонидан қоидабузарликларни бартараф қилиш бўйича оқилона муддат ичида тегишли чоралар кўрилмаган ёки кўриб чиқиш натижалари ҳақида хабардор қилмаган тақдирда, ушбу тараф шартномани бир тарафлама тўхтатиб туришга, бекор қилишга ҳамда зарарни тўлиқ қоплаб беришни талаб қилишга ҳақли.

### Томонларнинг имзолари ва муҳрлари

Директор ўринбосари

Б.З. Рустамов



Директор

А.Н. Алибаев



**Назорат ўлчови ўтказиш учун буюртмачи томонидан тақдим этилиши  
лозим бўлган ҳужжатлар рўйхати**

1. Буюртмачи вакили ёки вакилларига назорат ўлчовида қатнашиш ва далолатномани имзолаш ҳуқуқини берувчи буйруқ
2. Қурилиш-монтаж ишларини амалга ошириш учун асос бўлган ҳужжатлар.
3. Ойлик кесимида пудратчилар томонидан бажарилган ишлар реестри.
4. Лойихалашга топшириқ ва нуқсон далолатномасини инобатга олган лойиха-смета ҳужжатлари (ЛСХ).
5. ЛСХга ноидоравий экспертиза ташкилотининг эксперт хулосаси.
6. Қурилиш-монтаж ишларини амалга ошириш шартномаси.
7. Ишлар тури бўйича таснифланган расшифровка қилинган бажарилган қурилиш-монтаж ишлари қиймати ҳақидаги ҳисоб-фактура маълумотномалари.
8. Кўзга кўринмайдиган (ёпик) ва бузиб олиш (демонтаж) ишлари далолатномалари, шунингдек бузилиш жараёнида фойдаланишга яроқли бўлган қурилиш материаллари кирим ҳужжатлари.
9. Ижро чизмалари, техник ва ижро ҳужжатлари.
10. Танлов савдоларида ғолиб чиққан пудрат ташкилотларининг оферталари (конкурс ҳужжатларини инобатга олган ҳолда), ғолиб бўлганлиги тўғрисида тендер комиссиясининг баённомаси, зарурий ҳолларда қолган даъвогарларнинг оферталари.
11. Бажарилган ишлар ва тўловлар бўйича маълумот.
12. Иш турлари бўйича бажарилган ишлар далолатномаси йиғмаси (электрон кўринишида).

**Назорат ўлчови ўтказиш учун пудратчи томонидан тақдим этилиши  
лозим бўлган ҳужжатлар рўйхати**

1. Пудратчи вакили ёки вакилларига назорат ўлчовида қатнашиш ва далолатномани имзолаш ҳуқуқини берувчи буйруқ.
2. Ойлик кесимида пудратчилар томонидан бажарилган ишлар реестри.
3. Қурилиш-монтаж ишларини амалга ошириш шартномаси.
4. Ишлар тури бўйича таснифланган бажарилган қурилиш-монтаж ишлари қиймати ҳақидаги ҳисоб-фактура маълумотномалари.
5. Ишлатилган қурилиш материаллари бўйича юк хатлари ва ҳисоб-фактуралар.
6. Тайёрланган ва қурилишда ишлатилган материаллар ва конструкциялар бўйича калькулятсиялар.
7. Пудрат ташкилотининг бошқа ҳаражатлари ҳисоб-китоблари.
8. Транспорт ва омбор ҳаражатларига ҳисоб-китоблар.
9. Кўзга кўринмайдиган (ёпик) ва бузиб олиш (демонтаж) ишлари далолатномалари, шунингдек бузилиш жараёнида фойдаланишга яроқли бўлган қурилиш материаллари кирим ҳужжатлари.
10. Ижро чизмалари, техник ва ижро ҳужжатлари.
11. Танлов савдоларида ғолиб чиққан пудрат ташкилотларининг оферталари (конкурс ҳужжатларини инобатга олган ҳолда), ғолиб бўлганлиги тўғрисида тендер комиссиясининг баённомаси, зарурий ҳолларда қолган даъвогарларнинг оферталари.
12. Бажарилган ишлар ва тўловлар бўйича маълумот.
13. Иш турлари бўйича бажарилган ишлар далолатномаси йиғмаси (электрон кўринишида).

Томонларнинг имзолари ва мухрлари

Директор ўринбосари



Б.З. Рустамов

Директор

А.Н. Атибаев





**2022 йил 14 октябрдаги 22-10/3-сонли қурилиш назорат ўлчови хизмати  
кўрсатиш бўйича шартнома лойиҳасига юридик хулоса**

“Бинолардан фойдаланиш ва капитал қурилиш дирекцияси” давлат муассасаси (Кейинги ўринларда – Буюртмачи деб юритилади) ва “New control group” МЧЖ (Кейинги ўринларда – Ижрочи деб юритилади) ўртасидаги, Лот рақами 22120012156179 бўлган танлов натижасига асосан қурилиш назорат ўлчови хизмати кўрсатиш бўйича шартнома (кейинги ўринларда – шартнома деб юритилади) лойиҳаси Буюртмачининг бош юрисконсулти томонидан, мазкур шартнома тузиш ва бажаришга алоқаси бўлган тақдим этилган ҳужжатларга асосан ҳуқуқий экспертизадан ўтказилди. Ушбу хулоса “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонунининг 21-моддасига мувофиқ тузилган.

Хуқуқий экспертиза натижасида қуйидагилар аниқланди:

1. Шартнома объекти: Лот рақами 22120012156179 бўлган танлов натижасига асосан қурилиш назорат ўлчови хизмати кўрсатиш бўйича шартнома лойиҳаси тузилган.


2. Буюртмачи ва Ижрочи номидан Шартномани имзолаётган шахслар бунга лозим даражада расмийлаштирилган ваколатга эга.

3. Шартнома Ўзбекистон Республикаси Вазирлар Маҳкамасининг 2021 йил 20 майдаги 321-сон қарорининг 4 иловасига мувофиқ тузилган. Шартнома шартлари қонун ҳужжатларида шундай битимларга қўйиладиган талабларига жавоб беради. Шартнома қоидалари Фуқаролик кодексининг талаблари ва тегишли тартибда қонун ҳужжатлари билан тартибга солинади.

4. Шартномадан келиб чиқадиган ўз мажбуриятларини бажармаганлиги ёки лозим даражада бажармаганлиги учун тарафларнинг жавобгарлик меъёри асосий шартнома талаблари асосида Фуқаролик кодекси талабларига мувофиқ келади.

5. Мазкур хулоса Шартнома лойиҳаси шартларининг амалдаги қонун ҳужжатлари талабларига жавоб бериши хусусида берилди.

Бош юрисконсулт



А.Ш.Йўлдошев